



JUDICIAL SYSTEM MONITORING PROGRAMME
PROGRAMA MONITORIZASAUN SISTEMA JUDISIÁL

Komunikadu Imprensa
9 Setembru 2013

JSMP kontinua fo treinamentu ba grupu fetu iha Suku Debos Distritu Covalima

Iha 5 Setembru 2013. JSMP, liu husi Unidade Justisa ba Feto (WJU) hala'o treinamentu ba grupu fetu na'in 30 iha Suku Debos Distritu Covalima. Treinamentu ne'e ho tema 'Moris la hó violénsia'.

Partisipante ba treinamentu ne'e aprende kona-ba sira-nia direitu, inklui Lei Kontra Violénsia Doméstika no Kódigu Penál. Treinamentu ne'e divulga informasaun kona-ba forma sira husi krime violénsia doméstika, violasaun seksuál no oinsá atu hetan assisténsia legál tuir sistema justisa formal.

"JSMP konvensidu katak liu husi programa treinamentu ne'e, comunidade fetu sira bele iha koñesimentu adekuada atu asesu ba sistema justisa formál hodi proteje sira-nia interese no direitu. JSMP espera katak treinamentu ne'e bele kontribui minimiza violénsia kontra fetu iha Timor Leste no asegura katak aktu krime hot-hotu hetan kondenasaun apropriadu tuir lei haruka," dehan Diretór Ezekutivu JSMP, Luis de Oliveira Sampaio.

Xefe Suku Debos Sr. Agostinho da Silva wainhira ensera treinamentu ne'e haktuir katak treinamentu ne'e importante tebes ba grupu fetu sira. Tanba liu husi treinamentu ne'e, bele fasilita vítima sira husi krime violénsia doméstika kumpriente oinsa asesu ba sistema justisa formal. Partisipante sira mós sujere ba JSMP atu iha futuru bele kontinua habelar no hakle'an liután fetu sira-nia koñesimentu iha asuntu lei no direitu umanus.

JSMP observa katak partisipante hotu hatudu sira nia interesante boot tebes durante prosesu treinamentu ne'e, liu-liu tanba topiku sira ne'e iha ligasaun direta ho sira nia moris lor-loron nian no Lei Kontra Violénsia Doméstika hanesan instrumentu ida atu proteze sira nia direitu.

Treinamentu ne'e realiza ho apoiu finanseiru husi **The Royal Norwegian Embassy** iha Jakarta, Indonézia.

Atu hetan informasaun kle'an favor kontaktu direitamente:

Luis de Oliveira Sampaio

Diretór Ezekutivu JSMP

Telefone : 3323883/7295795

Diresaun e-mail, luis@jsmp.minihub.org